

四庫全書

史部

欽定四庫全書

史部

雲南通志卷二十七

詳校官給事中臣李臺

刑部郎中臣許兆椿覆勘

總校官知縣臣楊懋珩

校對官編修臣盧遂

謄錄監生臣徐如灝

欽定四庫全書

雲南通志卷二十七

物產

地載神氣庶物露生聖人利導之以盡其性難得之物非所貴也昔唐蒙以蒟醬開夜郎張騫因節竹通大夏豈所謂惟德繫物者耶明代取點蒼石於大理千夫邪許踣仆道路賴巡撫蔣宗魯奏而罷之我

國家務德勤民不貴遠物滇南閩境自正供常稅外
別無採辦凡前史所謂光珠翡翠一切珍竒玩好
之屬雖省會通衢亦不數覲也於是即其日用所
需與耳目所及者備著於篇使辦方物而察土宜
者得以覽焉志物產

通省

舊志云物產多同土俗畧異概書虞贊摘舉慮遺
今以通省同產者總列於前各郡縣特產者分列

於後庶無繁雜
迭見之失云

穀屬

稻凡百餘種約以紅麥有小麥大麥燕麥黍有黃黍
稻白稻糯稻概之玉麥西方麥數種黍白黍紅

黍長芒蘆粟稷有黃稷紅稷豆有黃豆白豆紅豆菜
灰條數種稷黑稷數種豆飯豆豌豆羊眼茶

褐青皮大黑小黑蠶豆數種益部方梁有飯糯菽有
物畧記佛豆秋種春斂即蠶豆也二種

菽苦菽麻有脂麻青麻火稗有山稗糯蜀黍即高粱
二種麻胡麻數種稗二種

雲南縣草子米似稷而微細郡
者佳縣夷獮廣種多食

食貨

鹽詳載油有菜油蘇子麻子脂麻胡
鹽法油麻桐油蘆花子油數種酒有燒酒白酒

花椒 蔦葉 小粉 蜂蜜 蠟 有黃蠟白蠟
布

檀

姚安者佳

金

銀

銅

鐵

錫

鉛

水銀

滇產五金其來

舊矣第時出時竭亦難專指定在茲附於食貨之後

疏屬

薑

宜良者佳

芥

葱

昆明者佳

韭

蒜

薤

茴香

青菜

白菜

種來自安肅者佳

蘆菔

俗呼蘿蔔三種又一種胡蘿蔔

菠菜

萵苣

有紅白二種又一種馬齒

莧

苣

芹菜

苦蕒

麥蘭

蔓

菁

大理浪穹者甚香美

蕓

建水者佳

董

旱芹也

胡荽

一名茴蒿

葫蘆

芋

蒼蓬

樹頭菜

石屏者佳

茄

瓠

雲南縣者佳

葫蘆

芋

蕨

竹筍

永北者佳

茭筍

蒲筍

冬瓜

絲瓜

王

瓜

南瓜

金瓜

苦瓜

土瓜

山產土人掘以濟食

菜瓜

稍瓜

倭瓜

俗名八稜瓜

銀瓜

扁豆

豇豆

金豆

俗名紅豆又百日豆

薯蕷

俗名山藥

紅薯

雲板薯

甘露子

秦

椒

俗名辣子

薔薔

俗名鬼廟

香葷

出廣西者佳

木耳

白森

鷄菱

舊志云鷄以形言菱者飛而欲足之貌說本楊慎或作蟻蹤以其產處下皆蟻穴通雅又作鷄菱以六七

月大雨後生沙土中或松間林下鮮者香味甚美土人鹹而脯之經年可食若熬液為油以代醬豉其味

尤美出臨安蒙自者佳

茵

有青頭羊肝胭脂羊奶鷄冠松毛一窩蜂黃羅傘紅羅傘朮莪等十數種

果屬

梅

有山梅鹽梅二種

杏

李

有荊山麥苦李數種

桃

舊志以富民為最今滇池海口

者甚佳

梨

省城晉寧者佳

棗

賓川者佳

栗

石榴

黑鹽井者佳阿迷州又一種白石榴

胡桃

大理漾濞者佳

松子

瓜子

大理彌渡者佳

榛子

木瓜

西

瓜

郁李

香櫟

橘

賓川者佳柑佛手柑

橙

柰

柿

葡萄

麗江者佳

林檎

花紅

銀杏

枇杷

元江者佳

甘蔗

梧實

落花生

臨安者佳

羊棗

橄欖

元江者佳

櫻桃

山

楮

通海者佳

餘甘

錐栗

楊梅

鎖梅

多櫨

俗訛櫨為衣

救軍糧

山野彌望綠葉白花紅子極繁五六月熟酸甘可食

葶薺

茨菰

菱

角蓮子

藕

臨安者佳

茨實

花屬

附草

牡丹

有紅黃紫香粉紅數種

茶花

奇甲天下明晉安謝肇淩謂其品七十有二豫章鄧漢紀

其十德為詩百咏趙壁作譜近百種以深紅軟枝分心卷瓣者為上優曇花葉如婆羅

花如芙蓉而開十二瓣遇閏則多一瓣

天女花

花似玉蘭而白過之胡幕春始開香甚清遠

蝶花

色黃綠相間形如蝴蝶春夏盛開大理上關一株樹大花繁更為滇省之冠其花首尾相銜垂

下有如串下

梅

有紅梅白梅硃砂玉剪綠萼照水數種又大理上關唐梅寺有唐梅一株

桂花

有丹桂金桂銀桂三種又有月桂四季開花夏秋結子

杏花

桃花

有絳桃碧桃

桃芙蓉桃夾竹桃數種

李花

梨花

海棠

丁香

有紅白二種

杜

鵲

有五色雙瓣者永昌多至二十餘種

梔子

扶桑

有五種

芙蓉

有深紅淺

紅二種

茉莉

產元江者較茂盛蠟梅有磬舌二種

石榴

有四季開者

海

石榴

有紅黃二種

櫻桃

有紅白二種紅為白子甘可食繡毬

有紅白紫三種

紫薇

薔薇

有五種

玉蘭

茄蘭

茶蘼

唐棣

即郁李

地棠

木槿

海紅

即淺紅山茶自十二月開至二月與梅同時故名茶梅金

梅

花開黃色與梅同時故名又垂條似柳一名迎春柳

山丹

俗名映山紅

辛夷

刺桐一名蒼梧樹高數丈花開丹紅形如小桃紅

木香有黃白二種粉團有紅黃白三種佛手花夜合七里香

瑞香 仙人掌葉肥厚如掌多刺相接成枝花名玉英色紅黃實似小瓜可食金

剛纂花黃而細土人植以爲籬又一種形類雞冠蘭有七十餘種

蓮有紅白二色蓮紅白中分芍藥有紅紫白數種菊有九十餘種水仙

素馨山野蔓生家園廣植藥紅花白質秀香清亦有四季開者舊志即南方草木狀所謂耶悉

茗也稱其種來西域又滇畧云南詔段素興好之故名通雅云南漢劉鋹之姬曰素馨葬處生此人以名

之鳳仙俗名金鳳玫瑰地湧金蓮開花者勝鳳尾龍爪

鷄冠

有高足矮足百鳥朝王數種

玉簪

秋海棠

剪紅羅魚

子蘭

十樣錦

萱

迎春

報春

凌霄

石竹

五色錯雜凡十餘種

金錢

鷺鷥毛

罌粟

有五

虞美人

扁

竹

類萱花一名菜蔥花

十姊妹

西番菊

西番蓮

西番錦

水丁香

一名紫茉莉

金盞銀臺

長春

佛手

向日葵

又有蜀葵冬葵

旋葛

百合

石斛

山礬

燈籠花

燈

盞花

仙鶴花

宛如飛鶴

鷺鷥花

蝴蝶戲珍珠花

白色花開

如蝴蝶狀點故名

中有圓珠數以上俱草本

芭蕉

有鳳尾象牙美人數種元江又產緬芭蕉公芭

蕉二種

吉祥草

通草

蒲草

用以織席又一種虎鬚蒲

象鼻草

虎鬚草

鳳尾草

魚眼草

薜荔

即香草

菖蒲

蘋

藻

荇

葦

蘆

茅

燈心草

鐵線草

火

草

紫草

夏枯草

蓼草

虎掌草

馬鞭草

青蒿

木屬

附竹

椿

松

有油松杉松細松數種

柏

有側柏團柏合掌茨柏四種

梧桐

楊柳

白楊

槐

有黃白二種

栗

有板栗板栗毛栗黃栗白麻青剛數種

花栗

棠梨 楸 楠 黃楊俗名萬年青 水冬瓜 楮 柞

樟 梓 冬青 檮 柘 紫榆 桑 檀 檜

梭櫚 楸 觀音柳樹高數丈葉如尚香花開茄色 羅漢松 綿木

皂角樹 無花果樹 紫竹 攢竹 水竹 苦

竹 觀音竹 鳳尾竹 慈竹 篁竹 猫頭竹

實心竹 東坡竹 龍竹 筋竹

藥屬

茯苓姚安者為上尋甸武定楚雄者次之 何首烏 香附賓川者佳 沙蘆

土人淺

蒙化者佳

川芎

苦淺

當歸

臨安者佳

地黃

天門

冬

富民者佳

麥門冬

防風

桔梗

白芷

柴胡

前

胡

安寧者佳

半夏

呈貢者佳

南星

黃連

麗江開化者佳

黃芩

乾葛

升麻

貝母

白芍

赤芍

白豆蔻

遠志

石菖蒲

威靈仙

天花粉

富民者佳

牛膝

秦艽

黃

精猪苓

澤蘭

重樓

常山

薑黃

大黃

大理

者佳細辛

麻黃

香薷

木通

紫蘇

荊芥

薄荷

荷

大理者佳

蒲公英

骨碎補

草決明

益母草

獐

蔞草 穀精草 龍膽草 木賊草 菊花 金銀

花臨安者佳 紅花 旋覆花 兔絲子 車前子 史君

子 金櫻子 五味子 青箱子 枸杞子 補骨

脂 薏苡臨安者佳 苧麻子 覆盆子 蒼耳子 石楠

藤 瓜蒌仁 牽牛 葶藶大理者佳 楮實 枳實 枳

殼 陳皮 青皮賓川者佳 地骨皮 桑椹 桑白皮

桑寄生 厚朴 石膏 滑石 麝香

羽屬

鷄 鶩 鴨 鵲 雀 鷹 鳩 烏 鴉 燕

鵲 鵲 鵲 鵲 鵲 倉庚一名黃鵲 雉 鸚鵡 鸚鵡 鵲

俗名八哥 畫眉 白鵲 灰鵲 錦鷄 鵲 鷓鴣俗名水老

鴉 鷓鴣俗名野鴨 拖白練 黑頭公 秧鷄 啄木冠

鴛鴦 鷓鴣 子規一名杜鵑 隼 鷄 鵲 鵲 十樣

錦 巧婦 天白了 哈喇鷄

毛屬

馬 牛 羊 犬 豕 貓 羸 驢 犛 鹿

兔 鹿 麋 猿 猴 虎 豹 熊 豺 狼

獺 狐 狸 麝 羊 野 猪 蝟 鼠
有飛鼠黃鼠竹鼠鼯鼠鼯

鼠諸種

鱗屬附介屬

鯉 鯽 鰱 白魚 黑魚 金魚 油魚 鮎

鮑 鰕 蟹 龜 鱗鯉
俗名穿山甲

蟲屬

蠶 熱地多產
繭 蠶 蝶 蟬 螢 蟋蟀 蠅 蜘蛛

編蝠 蝨斯 蚊蟲 蚱蜢 蜉蝣 蜻蜓 螳

螂蛇 蜥蜴 鼃 蝦蟆 蝌蚪 蟾蜍 蝸牛

蟻 蚯蚓

雲南府

香糯

出富民

太華茶

出太華山色味俱似松蘿而性較寒

塘頭布

出晉寧塘頭極

細烏帕

鉛粉

銀硃

黃丹

俱出昆明

石綠

出易門有無不時

五色花石

出嵩明彌雄山大如豆五色錯雜取漬盆中作玩舊志可為器

燄硝

門今

拐棗

形曲如拐

琪花

產晉寧天王廟冬花開三色落不沾塵

巨竹

出易門蕎

甸山節芸香草

出昆明有二種一名五葉芸香能治瘡毒入夷方者攜之如爵此草無味

高數尺便知中毒急服其汁吐之自解

鏡面草

和散簞煎酒服能治月閉

金線魚

出滇池金線洞金色細鱗長不盈尺味極鮮美

曲靖府

茶子

叢生單葉子可作油

棉花

石燕

出響水類燕有文雉大雌小遇風雨則飛能療目疾

馬蹄香

木瓜梨

圓松

油燬

出陸涼

臨安府

藕粉

出建水

沙糖

出建水寧州

淡豆豉

出阿迷能治傷風

紋布

出通海

莎羅布

出建水

石青

出寧州阿迷曾我新平

膽礬

紫石

出石屏可作硯

花石

出通海

勝沉香

出河西

柚

扶桑花

鵲鷄

出通海杞麓湖

鷄身鴨掌上已

花魚

前來重陽前去

澂江府

土青

青皮香

出河陽

靛

出新興

蔓胡桃

出江川

形如扁螺味似胡桃

梭皮

仙茅

出河陽

蘆甘石

窠窠魚

一名鮑

鮮出河陽撫仙湖凡山

麓水涯之石洞曰窠窠魚出水涯石穴土人挾巨筍汨水承洞口而取之鱗細味美長五六寸腹多腴乾

亦不空舊志訛康郎楊慎以

青魚

出舊陽宗明湖味極佳膽可療目

碌魚

出江川星雲湖似鯉而首紫
巨極肥美俗呼為大頭魚
紫螻
出舊陽宗

武定府

明礬

出元謀

礬石

出金沙江

龍腦石

出獅子山

有酸角

形似牙皂

味甘

梭羅木

五色石斛

出祿勸普渡河
石壁紺紅者佳
巖羊
出祿勸州

鯖魚

廣西府

鷄腿竹

產山谷間每節上
大下小可為杖

透明魚

出瀘源洞口其大
如指額有肉角色

白無鱗蓄水盆
中臟腑俱見

廣南府

雲竹

千張紙

木實也形似編豆其中片片如蟬翼焚為灰可治心氣痛

草果

元江府

檳榔

一名仁頻樹高數丈旁無附枝正月作房四月開花一房百餘實大如核桃剖乾合蘆子石灰

嚼之味香美且寬中消脹

蘆子

產山谷中蔓延叢生夏花秋實土人採之日乾收貨萋葉園

遍植葉大如掌

藤於樹無花無果冬夏常青採葉合檳榔食之味香美

降真香

荔枝

僅數本味酸肉薄

密多羅

樹高數丈實從幹生大如抹冬瓜色似楊梅香甘迥異

形如木瓜熟於夏月味酸

酸角

蘇木

麒麟竭

舊志木高數丈葉類櫻桃脂流

樹中凝紅如血為木鱗蛇膽舊志有黃黑二種長丈餘具四足能食鹿

春夏在山秋冬在水土人取食之其膽治牙痛解諸毒黃為上黑次之今俱難得孔雀白

鵪鶉泥滑滑即竹鷄能辟壁蝨矮鷄俗名擺夷鷄足短而鳴長黃魚肉金色味

肥甘

開化府

馬金囊即紫檳榔嚼之飲水味甘除熱可治瘡毒薑黃 攀枝花 蘇木

枕榔可為麵濟食粉一名董棕粉鱗蛇膽出安南長官司與元江產者同

鎮沅府

南棗 娑羅布 白鷗

東川府

木棉 漆 降真香 菊花蘂

出巧家葉似菊花性同人蘂

法落

海

出法夏治心痛

鷓鴣

昭通府

筇竹

一名羅漢竹

方竹

二竹皆出鎮雄山中

普洱府

茶

產攸樂革登倚邦莽枝蠻端慢撒六茶山而倚邦蠻端者味較勝

蘆子

甜筍

石膏

出白龍

盧薈

神黃豆

稀痘藥中用之

大理府

感通茶

出太和感通寺

蘆子

出雲龍州

紙

有青紙粉紙二色

墨

靛

俱出太和

胭脂

出雲南縣

紅布

出雲南縣

點蒼石

出蒼山麓白質黑紋有山水草木之狀可制為

屏紅花

乳扇

酥油

高河菜

出蒼山高河泉莖紅葉綠味辛香五

六月採之龍女花

太和感通寺一株樹高數丈黑竹花類白菜相傳為龍女所種

出浪穹色黑

工魚

一作公魚出洱海如鯽而鱗細長不盈尺楊慎稱為魚魁

螺蛋

出趙州

楚雄府

響石

出文殊山聲清越可為磬

越瓜

霍香

班竹

青魚

出黑井味

佳

姚安府

木槌

一名菩提子圓淨可為念珠

木羅布

即檀布也檀木皮可為布

錦鷄

白

鷗

永昌府

縹緞布

堅厚縝密類綿紬

碁

質堅色潤

琥珀

水晶

菜玉

墨

玉 硃砂 寶砂 海金沙 寶石 俱出猛緬若水晶墨玉諸品尤

貴且遠者舊志載於永昌物產內蓋因其名雲母石
由永昌而來寶未考其所自出姑存其名

催生石 作盃飲酒可治產難 紫英石 白茄 飛松子 波羅

蜜 寶大如梨味甘微酸 董椹 麻竹 其質綿軟可絞繩織屨 花斑藤 出高黎貢

山外色斑中實可為杖 排風藤 萋葉 產與元江同 硫黃 黑藥

阿魏 沒藥 乳香 兒茶 冰片 哈芙蓉 片即鴉

神黃豆 青花豆 可治瘡 象時魚 出瀾滄江雷鳴始出味鮮美 竹鼯

越出騰

鶴慶府

石耳

形如木耳生感極清之氣久食延年

數珠菜

生江中類念珠

海棠果

出

川類花紅而小味酸

榧子

出劍川能烏鬚

山驢

青銅魚

出漾工江細鱗長不盈尺

夏月始出 蝦米

出劍川較他產者尤細膩

順寧府

蘆子

出雲州

漆

猩猩果

色紅味酸子即酸棗仁

班竹

出雲州

濮竹

即南中志所謂節相去一丈可受一斛者今產不過去二三尺受升合而已

藤竹杖

鷄

血藤

出雲州熬膏治血症

蛤蚧

綠鳩

長鳴鷄

矮犬

毛深足短

即竹書所載短狗

脆蛇

見人則斷人去復續取而乾之可治腫毒

永北府

石花菜 鹿茸

麗江府

無芒麥

出寶山穗無芒而實圓

和尚蒜

瓊瓊

出江外

自然銅

產無

定在亦不常有花馬石

青石

漆

葡萄

出江外

荆花

紫

金錠

以雪山水和藥為故敷腫毒奇效

旄牛

舊志作羴牛尾可作纓

琵琶猪

蒙化府

石黃

出石母山

自然銅

有無不常白

麝出舊定邊

乳扇

酥油

棉花

紅花

人面竹

節如人面錦鷄

沙溝魚

大僅如指美同

滇之金線

水蜈蚣

冬月出漾江中味肥美

景東府

娑羅布

羊肚布

織文如羊肚

青紙

石風丹

生石上能療瘡毒

仙茅 苦子

淨瓶蕉

布子而生本大末銳形如淨瓶

孔雀

竹鼯

雲南通志卷二十七

欽定四庫全書

雲南通志卷二十八

祥異

彩雲南見郡錫嘉名金馬西來山標顯號滇雖荒
服祥瑞之呈由來久矣然逖稽前志川湧地震無
代無之亦昔人水旱必聞之意歟夫卿雲復旦歌
起中天而洪水懷襄君臣咨儆古帝王兢兢業業
之思固無時而少數也今我

朝

神聖繼作中和位育誠孝昭孚直省屢著嘉祥雲南尤
多上瑞乃宵旰彌勤時以天人感召之理訓誡臣
工俾知儆惕凡有司土之責者咸思殫心力愛養
羣黎集福凝庥共襄至治則自古以來禎祲瑞應
之徵俱不可以不察已志祥異

周惠王時鳳鳴於西山

土人不識呼為
碧雞因名其山

漢武帝元狩元年五色雲見於白崖

遣使跡之
置雲南縣

平帝元始元年正月越裳氏重譯獻白雉一黑雉二
後漢章帝元和中滇池出龍馬四白鳥一甘露降雲

南縣有神鹿兩頭能食毒草

晉武帝泰始八年連理木生建寧 泰康元年白龍三

見於永昌 白虎見永昌南罕

惠帝永寧元年永昌螟

成帝咸和六年甘露降寧州城內北園榛桃

孝武帝泰元十二年甘露降寧州 十四年建寧郡

枯樹斷折忽然自立相屬

梁武帝普通三年建寧地震

唐玄宗天寶閒越睽天馬生郊

代宗大歷四年永昌河中村智井有火燭天井傍有
三角牛四角羊三足雞

懿宗咸通十四年永昌雨土

僖宗乾符元年彗星見於永昌

宋真宗景德二年永昌地震

神宗元豐三年日月交晦星辰晝見

元成宗大德初昆明有蛟害人後除之 六年澂江地

大震

泰定帝泰定年間大星隕於磻嘉縣之黑初山化為
石

文宗至順三年五月雲南郡縣饑 晉寧地震

順帝至元三年祿豐蝗 至正元年昆明玉案山下
產赤小犬色如火羣吠遍野 磻嘉縣雨鐵廬舍

皆穿人畜多斃 三年永昌饑 二十五年昆明
大旱 二十七年二月昆明雪深七尺人畜多斃
明洪武十五年五色雲見於永昌太保山經宿不散

廣通產嘉禾

正統二年騰衝守禦千戶所井內夜有兵戈聲一月
乃止 五年秋七月順寧大雨彌旬山崩水溢衝
沒田廬不可勝計 八月甘露降於石屏州學宮
九年臨安產嘉禾一莖三穗者三畝

景泰元年秋澍江靈雨害稼斗米銀四錢 四年昆
明姚安大旱民多饑死 五年夏鶴慶逢宓鄉產
瑞麥一莖數穗者百餘 七年晉寧大旱斗米銀
七錢

天順二年七月金齒司地震壞城

成化元年祿豐蝗 七年正月順寧地震有聲如雷
踰日始寧 八年秋姚安大水 十年四月順寧
嚴霜成凍 永平縣大水 十九年六月武定大

旱

弘治三年金齒騰衝饑 霑益大水李樹結木瓜

五年五月大理大水衝斷西門城闕水入城 十

年永平縣大水淹沒民居數百家 十一年六月

朔五日臨安大風雨寒甚樵蘇死於道者十數人

烏鵲僵死無算 十月浪穹地震有聲如雷 十

二年雲南縣地震 六月景東地震十日夜 蒙

化地大震地生白毛長寸許文廟獨無 冬宜良

地震有聲如雷民居盡圯壓死以萬計旬月常震
越四年始寧 十二月澁江地震官民宇舍傾壞
人多壓死月餘乃止 阿迷善覺寺鐘自鳴者三
日 十三年蒙自旱明年復大旱 十四年正月
十六日劍川地震聲如雷土城官民廨舍皆圯

六月朔大理大雷雨點蒼白石二溪水漲漂沒民
居五百七十餘所溺死三百餘人 秋永昌騰衝
大水壞民廬舍人畜死者以百數計 浪穹靈雨

山崩水溢衝圯民居溺死百餘人 七月二十五

日夜河西縣大雪雨山崩水溢衝沒田廬無計

十五年四月蒿明大風雨

城南有龍拔樓三楹入雲

大有年

八月騰衝地震 十六年春正月騰衝火

副都撫

御史陳金疏奏上特遣重臣一人至滇勅諭畧曰雲南僻在萬里災應有由特命爾前去廣詢博訪旌賢良黜貪暴閱軍馬修城邊境振舉廢墜通達幽隱興利革弊務期軍民安靖邊境寧久少紓朕西

顧之

十七年景東晝晦五行者以炬

有司以聞上命南京

刑部左侍郎樊瑩行考察法罷黜文武官一千二百員有奇

大姚地震

白塔中裂

再震
復合

正德元年雲南縣地震生白毛 二年騰衝饑 三

年騰衝多虎 五年金齒城西石上開花 六年

騰衝地震 楚雄北勝州地震 七年滇池水溢

蕩析昆陽民居百餘所溺者無計 八月庚午金

齒騰衝地震辛未大震城堞官署民居傾壞死傷

者甚多 晉寧大水傷禾 八年霑益西關災燬

二百餘家 臨安地震有聲如雷三日乃止 宜

良學宮產靈芝 九年鶴慶麗江大疫 順盪井

地震滷源涸 十年蒙化地大震池中水立 景

東地大震 五月武定祿豐元謀姚安鶴慶麗江

同日地震官民解舍傾圮殆盡 鄧川地大震六

月又震八月又震九月太和地震踰旬始寧永昌

地震 十一年六月鄧川雷擊巨蛇

長丈餘
圍尺許

黑

雀數萬壞禾苗 十一月彩雲見於鄧川二日乃

散 十二年二月彩雲復見於鄧川 十三年八

月順寧瀾滄江龍鬬

湧水高百丈行者七日不渡

賓川大雨雹

十七年二月雲南縣嚴霜成凍

嘉靖元年五月鄧川一村出異蟲

背有大星三十點經月始滅

楚雄禾雙穗 二年三月趙州華藏山產芝草九

莖 六月澂江蒙化無雲而雨大水 秋騰衝旱

新興五色雲見 雲州五色雲見 三年保山

縣民曾銘家雌鷄化為雄 永昌騰越大饑 夏

騰越多虎 五年順寧新生村竹實

光瑩如珠

霈益

大水李樹結木瓜 六年武定日暈兩重旁有黑
雲如蛟 七年雲南縣地震 祿豐大水 八年
八月澂江大雨山崩西浦溪水溢入西街壞屋損
稼 九年霑益大旱 北勝大饑 秋騰越大水
九月晦有星大如日自東南隕西南 十年阿
迷地震數次踰月始寧虎入州境噬人 六月有
龍三見於大理鄧川之間 夏河陽多虎 十二
年秋彩雲見於河陽 十三年五色雲見於永昌

十四年八月有星隕於昆明之官渡聲如雷

十五年永昌順寧大饑明年永昌騰越又饑 十

六年曲靖霑益陸涼馬龍羅平地震 八月景東

霪雨害稼 十七年昆明地震數日乃止 十八

年三月臨安蒙自地震半年始寧 九月祿豐雲

南縣地震 十九年二月永昌城中災燬民居三

百餘家 騰越大雨雹傷禾 二十年三月焚惑

八鬼 夏四月建水有大星隕自西而東光燭民

屋二十一年騰越竹多實二十二年三月順

寧雨雹如卵秋騰越大水二十三年南安地

震二十三年太和上陽諸溪有白物如羊羣跡

之不見

歷三年乃滅

十月朔楚雄五色雲見趙州

有黃龍見於三星山二十五年十二月祿豐有

紅霞圍日者三秋景東大水二十六年臨安

自春至夏不雨螟傷苗騰越饑二十七年騰

衝大雨雹昆明雨雹殺禾稼二十八年三月

永昌哀牢山五色雲見 武定霪雨水溢山崩

永平甘露降 二十九年八月永昌大水壞民廬

舍人溺死者以百計 順寧產嘉禾一莖三穗大

如掌 三十年三月熒惑入鬼 四月有大星隕

於南方光燭民居 三十一年騰越饑 三十二

年閏三月永昌騰越地震 騰越雨雹如鷄卵

四月保山產瑞麥一本三岐 富民蝗飛蔽天

三十三年通海禦王家營牛產一犢雙頭八足

祿豐有星大如日隕於文廟 富民大雨漂沒田

廬 礪嘉地震 三十四年河陽產瑞麥 三十

五年順寧正月至五月不雨 景東二月至六月

不雨 三月霑益晝晦如夜 四月霑益大雨雹

如卵 七月彗星見長數尺月終乃滅 三十七

年三月楚雄城中火燬民居數百家 五月永

平地震三日 秋武定大雨雹傷稼 永平騰越

大水壞民田廬 七月鶴慶霪雨水溢 三十八

年通海西北民家牛產一犢雙頭兩尾八足 六

月鶴慶漁塘村大雷雨山崩水溢壞民居百餘所

死者不可勝計 雲南縣大旱 九月騰越大雨

電害稼

彩雲見順寧東北

狀如華蓋光焰射人彌月乃散

三

十九年通海地震有聲如雷壓死數十人 二月

南寧馬龍木密所同日地震 三月宜良地震

武定獅子山有白猿形大肖人值之者多傷集衆

射殺之 北勝大水 十二月永平甘露降 四

十年楚雄火 霑益大水李樹結木瓜 南安安
童堡山鳴聲聞數里 北勝大饑 六月永平五
色雲見 七月姚安霪雨傷禾 四十一年正月
五井提舉司界麥秀兩岐或三岐 嵩明李實如
瓜大饑 十一月河西地震 雒馬井有火自空
而下大如斗聲若雷 十二月諾鄧井災燬民居
百餘家 四十二年正月永平地震聲聞百里
二月霑益陸涼地震 四十三年楚雄旱 江川

大雪雨地震浹旬乃止 彗星見西南經月乃滅
四十四年正月通海大風拔木數百株水中舟
揭入雲中莫知所之 冬地震大雨雹 四十五
年新安所饑 冬通海地震大雨雹

隆慶元年楚雄大有年 雲南縣旱 嵩明大水

昆陽產嘉禾一莖五穗凡二百餘本 二年新安
所大饑 三年元江元謀大旱 四年安寧大雨
浹旬沒官民廨舍十之三 二月河陽江川五色

霞光見 四月蒙化晝晦 五年八月通海地震

有聲如雷壞城堞官署民居壓死者甚多 新安

竹華結實如麥 六年霪益地震 雲南縣久霖

山崩 五月礪嘉大水 秋景東水溢沒田廬

七月呈貢金勒村田中水湧三丈許雷大震

其田成潭

今資以溉

萬曆元年雲南縣彩雲見如綺 元江嵩明大水

二月至八月石屏霪雨湖水漲傾城堞田廬 楚

雄饑 三月曲靖虎入市 秋七月晉寧大水

二年八月曲靖雨雪 河陽大雨湖水溢 三年

四月朔大理晝晦 八月曲靖大雨雪 十月雷

潦沒禾 四年秋晉寧大有年 九月騰越地震

五年彗星見西南光芒燭天 臨安春夏不雨

民多殍 三月晉寧地震聲如雷 六年十二月

永昌地震多死傷者 七年彗星見 武定矣納

廠大雨溺死者甚衆 八年石屏穀雙穗或三四

穗 九年二月騰越地震 秋臨安北關有雞雛
僅一日冠距羽毛皆具遂能司晨 八月彗星見
西方光燭地三旬乃沒 十一年永昌市火燬民
居八十餘所 四月癸亥有風起於永昌西北聲
如雷拔木無算 彗星見 十二年四月彗星見
慶雲見於騰越 七月星隕於賓川有聲如雷
十三年六月省城雨雹害稼 十四年二月蒙
化地震城堞官民居皆圯死傷者衆 三月永昌

大雨雹 趙州甘露降 河陽湖溢害稼 十一

月太白經天 十五年騰越饑 秋七月地震

晉寧螟 九月五色雲見於曲靖之西 趙州大

旱禾盡槁 十六年澂江元江地震 二月曲靖

雨雹晝晦 閏六月臨安通海曲江同日地震有

聲如雷山木摧折河水噎流通海城垣公署民居

皆圯壓死者衆曲江尤甚 楚雄旱 秋騰越五

色雲見 十七年省城地震 臨安芝草生又生

於石屏州署 九月騰越北郊穀一莖三穗竟畝
十八年彗星見東南經旬乃沒 澂江旱 十
一月五色雲見於蒙化西山 十九年澂江旱

安寧火 永昌竹實 二月辛卯臨安大風拔木

七月騰越地震城圯軍民廬舍皆壞 二十年

彗星見 大理地震 騰越大饑 二十一年姚

安大水 豹入臨安南門 二月天鼓鳴於永昌

自子至寅方止大風拔木 十二月省城地震

二十二年姚安大疫 正月廣西災官署民舍俱
燬 二十三年姚安大水 二十四年姚安火燬
民居百餘死傷者甚多 八月省城激江路南陽
宗鎮南姚安定遠景東地震 雲龍碩鼠長尺餘
羣食禾稼俱盡 五色雲見於臨安之西 賓川
大水 浪穹饑 二十五年大理大疫 蒙化旱
人多饑死 春三月省城雨雹殺麥 秋鶴慶大
雨雹損禾 二十六年夏鶴慶旱蝗 七月雲龍

彩鳳山五色雲見如綺竟日 二十七年夏鶴慶

大水無麥民饑 五月永昌大水 七月夜天鳴

雲南東南次日晝晦至午 嵩明路南曲靖地震

九月永昌地震 二十八年富民楚雄蒙化北

勝大水廬舍田禾皆沒 賓川饑 嵩明槐無華

楚雄西山崩 鎮南地震有聲 尋甸旱 八

月大星隕於騰越城 尋甸地震經旬乃息 冬

臨安大雨電瀘江堤決 十月雲南府屬州縣同

日地震 二十九年省城夏秋不雨大饑 澁江

自二月至六月不雨 永昌螟 秋七月晦尋甸

地震 九月省城大雨雪 昆陽易門尋甸鎮南

產嘉禾一莖三四穗者四十餘本五穗者二百餘

本 鎮南牛生雙犢 冬十一月昆明羅漢山巖

崩 三十年浪穹地大震 秋順寧東河水鬪水高

丈餘有聲如雷兩岸田畝皆沒移 冬臨安大水
時乃消畦岸間鱗屬巨細皆死

決河堤 三十一年臨安正月至六月不雨 三

月臨安東關產一豕兩首二身八足一尾 廣西
有白蝶羣飛蔽天自東而來 三十二年六月臨
安大水沒田廬 秋七月臨安雨雹害稼 三十
三年芝草生於雲南府署 三十四年九月白崖
彌渡雲南縣雨雹大如卵入地深尺許禾稼盡傷
人畜食敗禾者輒病死 廣西大水 十一月朔
臨安地震若雷城垣官署民居梵宇傾圯殆盡死
者數千人數月乃止 三十五年有異鳥鳴於省

城其聲曰殺 二月武定獅山與鷓鴣山鳴

南北互應

如松

夏彗星見

五月武定地震

昆明田中

有一禾二葉其實非穀非稗

相傳一鎗二旗曰兵秧

十一

月彗星見西方尾東指其色赤 三十六年武定

大疫 維摩十八寨大水沒民居 十二月永昌

騰越地震 江川大水 三十七年正月朔永昌

地震至二十六日 八月晉寧有五色光見 路

南河陽俱產白燕 三十八年春五色雲見於鶴

慶夏省城大旱 十二月定遠地震 三十九

年姚安定遠地震 三月姚州大理賓川地震

彌渡地震如蕩舟 猛卯地震如雷 雲南九峯

山甘露降於松白如脂 四十年二月省城羅次

武定曲靖木密同日地震 四十一年八月鎮南

禾產雙穗或四五穗 四十二年雲南縣大饑

六月朔永昌地震二十三日聲如雷鼓 冬異星

見在西北長三文光射 四十三年夏省城大旱

東南二小星隨之

景東地震 八月朔楚雄姚安鎮南定遠地震

四十四年正月省城地震 四十五年七月晉

寧地震 雲龍白虹見於彩鳳山 四十六年雲

龍三崇山鳴如雷 四十七年十二月省城大雨

電雷電交作雲氣黃白 四十八年澍江姚安廣

西安寧富民新興十八寨河西大水 二月黑霧

見初起似雲其色黃紅變為黑晝晦如夜大風雨

如注宜良瓦石皆飄曲靖城堞圯三丈吹一人
去地丈餘方墜平彝折木 乙丑夜月變黃黑色
無數哨兵舍吹去數里

星晦無光 三月省城產羊一頭如犬三耳八足
黑蹄二尾遍身白文 廣通鎮南洱海地震 甘
露降於雲龍 七月易門老場西獄街地陷五十
餘丈傾民居死者二百餘人 騰越產牛二首四
目四耳 富民大水

泰昌元年十一月曲靖尋甸地震

天啓元年省城自正月不雨至六月 新興彌勒大
旱 元謀地震聲如雷 六月猛卯地震 十月

羅次富民地震 武定獅山鳴 十二月省城地

震 二年新興疫 二月有黑雲如蓋自北來覆

省城 四月省城地震 八月師宗隕霜殺禾

冬甘露降於雲龍 祿勸生嘉禾 三年江川通

海河西大疫 二月甘露降於大理圓瑩如珠

三月雲龍三崇山鳴如轟雷 四月雲南縣地震

傾城樓堞壞民居五百餘所 大理地震聲如吼

地裂五區 六月定遠大雨震電霧黃紅色水溢

壞田禾廬舍溺死三百餘人 廣西疫 十一月
師宗地震 昆明羅漢山崩 有流星大如斗色
如火自省城東南隕於西北聲如雷 四年大理
疫 祿勸旱 十八寨地震 廣西春夏不雨
六月麗江地震 七月武定大雨雪損禾 八月
武定產雞四翼四足

崇禎二年歲大饑 三年秋七月白井大雨水溢壞
官民解舍漂沒人千餘填塞井口 四年石屏異

龍湖龍見鬚爪鱗甲皆見 五年江川大水 六
年江川大水淹沒城垣 九年正月順寧地中出
火方廣丈餘夜半上升自卡思凹起北過枯柯壩
隕於沙窩寨瘴疫大作 七月順寧龍鬬 十六
年夏武定大旱 新興大風霾行人皆仆 大鳥
集阿迷之田足高數尺翼倍之 六月武定獅山
鳴 十一月姚安地震有聲 河陽馬產一犢有
角

本朝順治元年甲申四月太白晝見 昆明地震八月

復震 武定城崩 二年乙酉蒙化有雙生者一

類人而無肩一類鴨而無掌母子俱亡 鄧川牛

言 三年丙戌正月昆明地震有聲 四月歲星

入於井鬼 熒惑守井鬼 四年丁亥宜良牛生

犢二首八尾南城外雌雞化為雄 五月昆明饑

民多疫 五年戊子大饑 六年己丑趙州雨雹

大如卵移時深七尺許屋瓦皆碎傷稼 八年辛

卯二月蒙化紫燕集成黃燕逐而居之 九年壬

辰六月武定獅山地震 蒙化地大震地中若萬

馬奔馳塵霧障天夜大雨雷電交作民舍盡塌壓
死三千餘人地裂湧黑水鰕鱔結聚震年餘乃止

十一月彗星見東南形如疋練二十餘日乃滅

蒙化有物從東起金光閃爍狀若浮圖聲若巨

雷墜於西化煙氣而散 十年癸巳羅次地震

十一年甲午五省城湧泉寺龍鬬 六月昆明

地震 十二年乙未三月新興地震城垣民居多

圯 十三年丙申昆明竹結實如稻 十五年戊

戌彩雲見於河陽之西 十六年己亥三月大雨

雹如卵如拳深二尺許傷牲畜無算 四月順寧

天鼓鳴 姚安鼯鼠遍野 定遠蝻蟲食苗 十

七年庚子冬鴻鴈來

雲南舊無鴻鴈至是百十為羣日數過皆西去自後年年

皆有不見回

十八年辛丑甘露降於安寧文廟古柏

上形如貫珠味如飴 騰越大饑死者六千餘人

臨安有星隕於西方小白蝶羣飛蔽天自東南而西北月餘乃止十一月廣西飛星自東北而西南大如盆有尾色灰白墜時聲如雷

康熙元年壬寅鶴慶大水淹沒民田寧州禾遍產

雙穗廣西大旱師宗白蝶羣飛蔽天數月方

散二年癸卯二月昆明地震大水景星見和

曲東占為天倉自後連年豐稔三年甲辰廣西地震冬字

星見白氣丈餘經月乃散四年乙巳大理蒙化

趙州賓川雲南洱海旱 五年丙午昆明大風拔

木 六年丁未昆明羅漢山崩數丈 八年己酉

秋八月景東地震 九年庚戌昆明太華山鳴

夏蒙化趙州旱 六月羅次祿豐地震城垣廬舍

崩塌殆盡 九月景東大雨水壞民舍 曲靖東

南西城門災延燒兵民居千餘所 十年辛亥五

月昆明大鳥來大水 劍川大鳥來

其喙如鋤張則小鳥自飛

入喉中礮擊不為動數日乃去

十一年壬子七月彩雲見於石

屏 十二年癸丑元日地震 十七年戊午富民

大水 十九年庚申彗星見光芒亘天數月方滅

四月火星守鬼薄積屍氣 秋楚雄地大震聲

如雷數日不止城垣官署民舍俱壞壓死千餘人
地裂湧黑水 十月彗星見長如疋練月餘乃滅

豹入祿勸城 元謀地震 二十年辛酉二月

朔彩雲見於羅次 十月金馬騰輝於滇池 二

十一年壬戌五月彩雲見於雲南縣之西 曲靖

馬龍饑

十月五色雲見於楚雄之西自午至酉

二十二年癸亥夏蒙化有物頭類鵠項有紅毛

尾如帚火星亂落焰耀林木無翼而飛日落時見

於西山 二十四年乙丑四月廣通開化庵地湧

清泉 二十五年丙寅四月姚安山崩水泛 廣

通大鳥來足高四尺翼倍之 曲靖夏旱秋水冬

地震 二十六年丁卯九月姚安地震 二十七

年戊辰正月彩雲見於雲龍 二月劍川大風拔

木 三月劍川西山鳴劍湖溢 浪穹大雪傷豆

麥損林木 南寧縣民家產豬一首四耳八足二

尾 鶴慶地大震 四月朔鶴慶大雪傷稼 五

月劍川地震 開化旱 七月劍川大雨雪傷稼

昆明彩雲見 二十八年己巳四月曲靖李樹

菜花皆結豆桃結王瓜 九月廣通縣署紫薇生

連理 二十九年庚午正月朔彩雲見於建水東

七月新興河陽大雨水損禾 十一月朔太白

畫見 彩雲見於雲南縣西 三十年辛未富民

羅次大水 六月安寧羅青山崩 七月晉寧大

水禾有螟 三十一年壬申二月蒙化黃霧彌天

臨安地震 十一月彩雲見於浪穹縣之鳳羽

鄉十二月又見 三十二年癸酉十二月臨安大

水 霑益產瑞麥一穗兩歧 三十三年甲戌安

寧學宮產靈芝 三月永昌大雨雪 三十四年

乙亥正月朔五色雲見於甯我之桂峯山 石屏

星隕光閃爍 三十五年丙子正月朔彩雲見於

新平團山 五色雲見於元謀塔山 六月嘗莪

地震 八月昆明地震 三十六年丁丑富民廣

西大水 三十七年戊寅昆明太華山崩 馬龍

民家產牛一身二首 三十八年己卯建水大雨

水河堤潰淹沒田廬 羅平產嘉禾一本三穗

元江龍鬬 三十九年庚辰廣西疫 霑益大鳥

集東門 四十年辛巳廣西大水 富民地震

四十一年壬午三月彩雲見於元江 四十二年

癸未元江廣西大水 四十三年甲申蓊莪產嘉

禾一莖三穗至四五穗 廣西大水 九月五色

雲見於河陽 四十四年乙酉正月朔卿雲見東

方 四十五年丙戌正月朔五雲捧日 二月元

謀地震 河西產嘉禾一莖三穗 四十六年丁

亥三月景星見元江 七月鶴慶大水 九月雲

州祿豐地震 四十七年戊子黃龍見於新興官

村路南產嘉禾一莖三穗四穗四十八年己

丑四月祿豐雨雹大如鷄卵傷麥四十九年庚

寅十月彩雲見於元江五十年辛卯劍川麥秀

兩歧七月雲龍江水泛漲沒民居禾稼五十

一年壬辰正月五色雲見於劍川金華山南竹花

結實

味甘淡可採以食

五十二年癸巳二月昆明曲靖

馬龍霑益尋甸廣西臨安地震八月大水嵩

明樂靈山鳴五十三年甲午昆明大饑臨安

饑 十月劍川地震次月又震大雨雹 五十五

年丙申正月朔慶雲見於河陽東 二月晉寧城

中火燬民居過半 十月祿勸地震 五十六年

丁酉祿豐大水河溢 五十七年戊戌河陽產嘉

禾一本三穗至四穗 五十九年庚子二月宜良

地震 富民旱 六十一年壬寅正月曾我地大

震壞民居二月始定 祿豐地震

雍正元年癸卯正月朔卿雲見於廣西 三月十八

日石屏文廟成彩雲見 新興河西嘗我各產芝
草五色 二年甲辰正月昆明祥雲見五色成鳳
形踰時不散 秋嘉禾遍產歲大稔 十一月昆
明嵩明宜良尋甸河陽路南地震 四年丙午建
水耜田內產嘉禾一莖雙穗至三四穗 十一月
朔新興彩雲見成龍鳳文歷午未申三時 五年
丁未建水地南產嘉禾一莖雙穗至四五穗者數
畝歲大收 十一月威遠地震 六年戊申三月

羅次慶雲見

七月新興產五色芝

八本為一叢五色鮮妍

十月抱母井龍祠產石芝

十月二十九日恭

逢

世宗憲皇帝聖節雲南楚雄武定姚安廣通大姚定邊同

見卿雲捧日經辰巳午三時次日午時復見絢爛

倍常 七年巳酉三月彩雲見於元謀東南歷巳

午二時 六月彩雲兩見於宜良踰時不散 閏

七月趙州白崖湧甘泉二

水冽而甘大資灌溉

十月和曲


彩雲見 八年庚戌七月阿迷文廟成彩雲見

九月朔雲南慶雲見越二日又見 九年辛亥六

月昭通田生赤蟲長寸許食稻葉旋有羣鴉數千
下啄蟲俱盡禾無傷 八月昭通東川菽地不種

自生暢茂結實

農民名曰
天生菽



雲南通志卷二十八

欽定四庫全書

史部

雲南通志卷二十九之二

詳校官給事中臣李臺

刑部郎中臣許兆椿覆勘

總校官知縣臣楊懋珩

校對官編修臣盧遂

謄錄監生臣黃臣鵠

欽定四庫全書

雲南通志卷二十九之一

藝文

大易垂象於坤為文滇居西南坤之位也宜乎文
明炳蔚矣乃太冲賦蜀都邛竹蒟醬咸紀滇產而
著作之盛無聞豈風氣之開固自有待歟我

國家重熙累洽

聖祖仁皇帝削平僭逆文教誕敷

世宗憲皇帝垂念萬里邊方訓諭諄摯今

皇上即位洪慈厚澤無遠勿屆

謨誥所頒煌煌乎儷日星而昭雲漢丕顯丕承於斯為
盛宜恭冠藝文以為裔土之光至於漢唐以還誥
諭獻訥之作紀時述事之章及

昭代公卿大臣之訏謨遠猷下逮文人學士之吟咏
擇其有關治道人心風俗者各以類從編諸簡冊
庶昔人所云幽思絢道德摘藻挾天庭者不獨在

華陽錦水間也志藝文

本朝

御製

聖祖仁皇帝

諭各省王貝勒大將軍將軍督撫提鎮等勅

康熙十七年

茲據大將軍簡親王等報稱逆賊吳三桂已經身
死良由三桂數年以來構兵倡亂荼毒生靈罪大惡
極故天命殛之當日准其遷移原欲保全安插始終

罷眷不意其包藏禍心輒行反叛背累朝養之恩
逞一旦鴟張之勢橫肆兇逆擾亂地方元兇既服天
誅脅從宜施寬典凡在賊中文武官負兵民人等皆
朕赤子素受國家恩養必非甘心從逆或心存忠義
不能自拔或勢被迫驅懷疑畏罪陷身逆黨朕甚憫
焉其各體朕寬大好生之心翻然悔悟爭先來歸朕
必優加恩賚論功敘錄爾等其即宣布德意廣示招
徠務使懷忠抱義之士順天命以圖全審事機而建

績撫綏戡定早奏蕩平以副朕嘉與維新之意故勅

諭湖廣總督蔡毓榮勅

康熙十八年

自逆賊吳三桂背恩反叛遣發大兵各路征剿平定
地方撲滅賊寇湖南廣西福建等處以次恢復餘賊
逃潰盤據水陸險隘希圖抗拒如此殘寇雖無煩速
剿不久自當殄滅但朕軫念民生急於拯救令其得
所故欲掃除餘孽以靖地方今賊既敗遁負險不便
專恃馬兵若用綠旗步兵之力則滅賊甚為有益况

我綠旗官兵較之賊甚強爾世受國家厚恩理宜戮力行間立功邊陲殫心為國以圖報効爾當各率所屬綠旗官兵平定辰沅恢復雲貴其遣發官兵幾路前進作何調度始能恢復著詳議具奏如爾盡力報効克取辰沅恢復雲貴朕必不拘成例從優加恩爾率官兵前進則滿洲大兵亦即相繼進剿接運糧餉不至匱乏此事關係重大著詳加酌定具奏故勅

諭湖廣總督蔡毓榮第二勅

康熙十八年

茲以大兵進勦雲貴各路綠旗官兵必須專責一人
總轄調遣始克允濟特授爾為綏遠將軍總轄常德
武岡等處所有各省調撥官兵及湖廣全省綠旗官
兵聽爾酌量調度前進底定地方總督董衛國周有
德提督桑格趙賴周卜世俱聽爾節制商酌而行一
切平定雲貴以及勦撫各項事宜惟爾專責至楚省
見任文職官員聽爾遴選賢能帶赴軍前調用如有
能備芻糧克濟軍機及官軍有能首先奪關冒險直

入擊敗賊衆者爾即開列勞績具疏奏聞論功加等
議敘如有臨陣運糧違誤者副將知府以下各官即
以軍法從事其以上各官指名飛章叅劾從重治罪
水陸兵將不相習者爾即具奏酌行更調爾定期進
取恢復地方將破賊事宜密行知會廣西陝西等處
王將軍提督等齊乘機會而行爾須嚴督兵將相機
前進力行勦除毋得遲延坐失時會仍嚴加偵探毋
致疎虞大兵一到抗拒不順者戮之有先被賊脅從

即時迎降者俱免誅戮有能擒殺賊渠投誠者分別
陞賞須嚴禁兵將申明紀律經過地方毋得騷擾百
姓歸順良民加意撫恤爾膺茲重任宜摠忠竭力籌
畫周詳剿撫兼施早奏膚功以副朕簡擢至意欽哉
故諭

恢復雲南詔

康熙二十年

朕纘承丕緒統御寰區仰惟

天地眷佑之庥

祖宗付托之重

聖祖母太皇太后慈訓之殷蚤夜孜孜勤求化理期於兵革寢息海隅乂安不意逆賊吳三桂負國深恩倡為變亂陰結奸黨同惡相接抗違詔令竊據疆土滇黔閩浙楚蜀閩隴兩粵豫章之間所在騷肆騁痛毒三桂僭稱偽號逆焰彌滋負罪尤重朕恭行天討分命六師勦撫並施德威互濟或繫頸於闕下或駢戮於師中擒捕誅鋤以次收服乃三桂既膺神殛逆孫

世璠猶復鴟張踞六詔之一隅延殘喘以拒命朕惟
賊患一日不除則民生一日不靖策勵將士屢趣師
期於是虎旅協心進逼城下賊衆計窮勢蹙感通款軍
門約日獻城兌渠授首師克之日市肆不擾邊境晏
如捷書既至上慰

郊

廟

社稷之靈下抒中外臣民之憤神人胥悅遐邇騰歡念自

變亂以來軍民荼苦如在水火披堅執銳卒歲靡寧
行齋居送千里相望被兵之地既罹於鋒刃供億之
衆復困於征輸朕憫恤民艱不忍輒加額賦間施權
宜之令用濟征繕之需意在除殘事非獲已而身處
宮寢之內厯懷閭閻之依中夜屢興肝食不暇怒焉
思治八載於茲今羣逆削平疆圉底定悉翦歷年之
蝨賊永消異日之隱憂用是蕩滌繁苛維新庶政大
沛寬和之澤冀臻熙皞之風所有事宜開列于後於

戲體覆載好生之德秋肅必繼以春溫法帝王更化之模義正尤期於仁育誕告天下咸使聞知

恢復雲南恭晉

徽號詔

康熙二十年

朕惟帝王纘承鴻緒首重尊親顯號洵加彝章具在矧式遏禍亂耆定厥功實稟誨育之恩應極尊崇之典比者逆賊吳三桂反叛煽動地方朕夙夜靡寧肆張天討仰承

聖祖母昭聖慈壽恭簡安懿章慶敦惠溫莊康和仁宣太

皇太后

聖母仁憲恪順誠惠純淑皇太后懿訓次第翦滅克奏蕩

平上慰

宗廟之靈下拯生民之厄非藉

慈庇曷克臻茲用晉休稱載揚

盛德謹告

天地

宗廟

社稷於康熙二十年十二月二十四日率諸王貝勒文武
羣臣恭奉冊寶加上

聖祖母昭聖慈壽恭簡安懿章慶敦惠溫莊康和仁宣太
皇太后徽號曰

昭聖慈壽恭簡安懿章慶敦惠溫莊康和仁宣弘靖太皇
太后

聖母仁憲恪順誠惠純淑皇太后徽號曰

仁憲恪順誠惠純淑端禧皇太后禮既備於

兩宮澤宜敷於四海所有應行事宜開列於後於戲慶洽
宮闈聿展因心之孝恩覃中外丕昭錫類之仁布告
天下咸使聞知

訓飭士子文

康熙四十一年

國家建立學校原以興行教化作育人材典至渥也
朕臨馭以來隆重師儒加意庠序復慎簡學使釐剔
弊端務期風教脩明賢才蔚起庶幾棧樸作人之意

乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敍爾諸生幼聞庭訓長列宮牆朝夕誦讀寧無講究必也躬脩實踐砥礪廉隅敦孝弟以事親秉忠貞以立志窮經考義勿襍荒誕之談取友親師悉化憍盈之氣文章歸於醇雅毋事浮華軌度式於規繩最防蕩軼子衿佻

達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨弗齒縱幸脫褫扑濫竊章縫反之於衷能無愧乎況乎鄉會科名乃掄才大典闕係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深

可痛恨且夫士子出身之始尤貴以正若茲厥初拜
獻便已作奸犯科則異時敗檢踰閑何所不至又安
望其秉公持正為國家宣猷樹績膺後先疏附之選
哉朕用嘉惠爾等故不禁反覆惓惓茲訓言頒到爾
等務共體朕心恪遵明訓一切痛加改省爭自濯磨
積行勤學以圖上進國家三年登造束帛弓旌不特
爾身有榮即爾祖父亦增光寵矣逢時得志寧俟他
求哉若仍視為具文玩愒勿儆毀方躍冶暴棄自甘

則是爾等冥頑無知終不能率教也既負栽培復干咎戾王章具在朕不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尚敬聽之哉

山川考諭

康熙五十八年

朕於地理從幼留心凡古今山川名號無論邊徼遐荒必詳考圖籍廣詢方言務得其正故遣使臣至崑

崙西番諸處凡大江黃河黑水金沙瀾滄諸水發源之地皆目擊詳求載入輿圖今大兵得藏邊外諸番悉歸王化三藏阿里之地俱入版圖其山川名號番漢異同當於此時考証明棧庖可傳信於後大概中國諸大水皆發源西南大幹內外其源委可得而縷晰也黃河之源出西寧外枯爾坤山之東衆泉流出沮洳渙散不可勝數望之燦如列星蒙古名敖敦他拉西番名蘇羅木譯言星宿海也是為河源匯為查

靈鄂靈二湖東南行折北復東行由歸德堡積石關
入蘭州岷江之源出於黃河之西巴顏哈拉嶺七七
勒哈納番名岷捏撮漢書所謂岷山在西徼外江水
所出是也而禹貢導江之處在今四川黃勝關外乃
褚山古人謂江源與河源相近禹貢岷山導江乃其
流非源也斯言實有可據其水自黃勝關流入至灌
縣分數十歧至新津縣復合為一東南流至敘州府
會金沙江今之金沙江源自達賴喇嘛東北烏捏烏

蘇流出烏捏烏蘇譯言乳牛山也其水名母魯烏蘇
東南流入喀木地又東南流經中甸入雲南塔城關
名金沙江至麗江府亦名麗江至永北府會打衝河
東流經武定府入四川交界至敘州府合岷江流經
夔州府入湖廣境由荊州府至武昌府與漢江合漢
江源出陝西寧羗州北嶠冢山名漾水東流至南鄭
縣為漢水入湖廣界東南流至漢陽縣漢口合岷江
此諸水在東南大幹之內故源發於西番委入於中

國也瀾滄江有二源一源於喀木之格爾玃樂噶兒
山名樂褚河一源於喀木之齊魯肯他拉名教母褚
河二水會於又木多廟之南名拉克褚河流入雲南
境為瀾滄江南流至車里宣撫司名九龍江流入緬
國瀾滄之西為哈拉烏蘇即禹貢之黑水今雲南所
謂潞江也其水自達賴喇嘛東北喀拉腦兒流出東
南入喀木界又東南流入怒夷界為怒江入雲南大
塘隘名潞江南流經永昌府潞江安撫司境入緬國

潞江之西為龍川江龍川江之源從喀木所屬春多
嶺南流入雲南大塘隘西流為龍川江至漢龍關入
緬國此諸水在東南大幹之外故皆流入南海也又
雲南邊境有檳榔江者其源發自阿里之岡底斯東
打母朱喀巴珀山譯言馬口也有泉流出為牙母藏
布江從南折東流經藏危地過口噶公噶兒城傍合
噶兒詔母倫江之南流經公布部落地入雲南古勇
州為檳榔江出鐵壁關入緬國而岡底斯之南有山

名郎干喀巴珀譯言象口也有泉流出入馬品母達
賴腦兒又流入郎噶腦兒兩湖之水西流至桑納地
岡底斯之北有山名僧格喀巴珀譯言獅子口也有
泉流出西行亦至桑納地二水合而南行又折東行
至那克拉蘇母多地與岡底斯西馬珀家喀巴珀山
所出之水會馬珀家喀巴珀者譯言孔雀口也其水
南行至那克拉蘇母多地會東行之水東南流至厄
納忒克國為岡噶母倫江即佛家所謂恒河也佛國

紀載魏法顯順恒河入南海至山東之渤海入口應
即此水矣梵書言四大水出於阿耨達山下有阿耨
達池以今考之意即岡底斯是唐古忒稱岡底斯者
猶言衆山水之根與釋典之言相合岡底斯之前有
二湖連接土人相傳為西王母瑤池意即阿耨達池
也又梵書言普陀山有三一在厄納忒克之正南海
中山上有石天宮觀自在菩薩遊舍是乃真普陀一
在浙江之定海縣海中為善財第二十八衆觀音菩

薩說法處一在圖白特今番名布達拉山也亦為觀
音化現之地釋氏之書本自西域故於彼地山川頗
可引為據也禹貢導黑水至於三危舊注以三危為
山名而不知其所在朕今始考其實三危者猶中國
之三省也打箭爐之西南達賴喇嘛所屬拉李城之
東南為喀木地達賴喇嘛所屬為危地班禪呼圖克
圖所屬為藏地合三地為三危耳哈拉烏蘇由其地
入海故曰導黑水至於三危入於南海也至於諸番

名號雖與史傳不同而亦有可據者今之圖白特即唐之突厥唐太宗時以公主下降公主供佛像於廟今番人名詔詔者譯言如來也其地猶有唐時中國載去佛像明成化中烏斯藏大寶法王來朝辭歸時以半駕鹵簿送之遣內監護行內監至四川邊境即不能前進而返留其儀仗於佛廟至今往來之人多有見之此載於明實錄者爾等將山川地名詳細改正具奏

世宗憲皇帝

聖諭廣訓序

雍正二年

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道為牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御兆人以

聖祖之心為心以

聖祖之政為政夙夜黽勉率由舊章惟恐小民遵信奉行

久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非
奉

先志以啓後人使羣黎百姓家喻而戶曉也願爾兵民人
等仰體

聖祖正德厚生之至意勿視為條教號令之虛文共勉為
謹身節用之庶人盡除夫浮薄囂凌之陋習則風俗

醇厚家室和平在朝廷德化樂觀其成爾後嗣子孫
並受其福積善之家必有餘慶其理豈或爽哉

朋黨論

雍正二年

朕惟天尊地卑而君臣之分定為人臣者義當惟知
有君惟知有君則其情固結不可解而能與君同好
惡夫是之謂一德一心而上下交乃有心懷二三不
能與君同好惡以至於上下之情睽而尊卑之分逆
則皆朋黨之習為之害也夫人君之好惡惟求其至

公而已矣凡用舍進退孰不以其為賢而進之以其
為不賢而退之惟或恐其所見之未盡當也故虛其
心以博稽衆論然必衆論盡歸於至正而人君從之
方合於大公若朋黨之徒挾偏私以惑主聽而人君
或誤用之則是以至公之心反成其為至私之事矣
孟子論國君之進賢退不肖既合左右諸大夫國人
之論而必加察焉以親見其賢否之實洪範稽疑以
謀及乃心者求卿士庶民之從而皇極敷言必戒其

好惡偏黨以歸於王道之蕩平正直若是乎人君之
不自用而必欲盡化天下之偏私以成大同也人臣
乃敢溺私心樹朋黨各徇其好惡以為是非至使人
君懲偏聽之生奸謂反不如獨見之公也朋黨之罪
可勝誅乎哉

聖祖仁皇帝御極六十年用人行政邁越千古帝王而大
小臣僚未能盡矢公忠往往邀朋結黨

聖祖戒飭再三未能盡改朕即位以來屢加申飭而此風

尚存彼不顧好惡之公而徇其私暱牢不可破上用
一人則相與議之曰是某所汲引者也於是乎遠之
若浼曰吾避嫌也不附勢也爭懷妬心交騰謗口以
媒孽之必欲去之而後快上去一人則相與議之曰
是某所中傷者也親暱者為之惋惜踈遠者亦慰藉
稱屈即素有嫌隙者至此反致其殷勤欲借以釋憾
而脩好求一人責其改過自新者無有也於是乎其
人亦不復自知其過惡而愈以滋其怨上之心是朝

廷之賞罰黜陟不足為重輕而轉以黨人之咨嗟嘆
息為榮以黨人之指摘詆訾為辱亂天下之公是公
非作好惡以陰撓人主予奪之柄朋黨之為害一至
是哉且使人主之好惡而果有未公則何不面折廷
諍而為是陽奉陰違以遂其植黨營私之計也書曰
予違汝弼汝無面從退有後言當時君臣告語望其
匡弼而以面從後言為戒夫是故一堂之上都兪吁
咈用能賡歌颺拜以成太和之運朕無日不延見羣

臣造膝陳詞何事不可盡達顧乃默無獻替而狡獪
叵測蓄私見以肆為後言事君之義當如是乎古純
臣之事君也必期致吾君於堯舜而人君亦當以堯
舜自待其身豈惟當以堯舜待其身亦當以皋夔稷
契待其臣孟子曰責難於君謂之恭陳善閉邪謂之
敬吾君不能謂之賊夫以吾君不能而謂之賊則為
君者以吾臣不能亦當謂之忍語云取法乎上僅得
乎中苟不以唐虞君臣相期待而區區做法僅在漢

唐以下是烏能廓然盡去其私心而悉合乎大公至正之則哉宋歐陽修朋黨論創為邪說曰君子以同道為朋夫罔上行私安得為道修之所謂道亦小人之道耳自有此論而小人之為朋者皆得假同道之名以濟其同利之實朕以為君子無朋惟小人則有之且如修之論將始終其黨者則為君子解散而不終於黨者反為小人朋黨之風至於流極而不可挽實修階之厲也設修在今日而為此論朕必誅之以

正其惑世之罪大抵文人掉弄筆舌但求騁其才辯
每至害理傷道而不恤惟六經語孟及宋五子傳註
可奉為典要論語謂君子不黨在易渙之六四曰渙
其羣元吉朱子謂上承九五下無應與為能散其朋
黨之象大善而吉然則君子之必無朋黨而朋黨之
必貴解散以求元吉聖人之垂訓亦既明且切矣夫
朋友亦五倫之一朋黨不可有而朋友之道不可無
然惟草茅伏處之時恒資其講習以相伙助今既登

朝涖官則君臣為公義而朋友為私情人臣當以公
滅私豈得稍顧私情而違公義且即以君親之並重
而出身事主則以其身致之於君而尚不能為父母
有況朋友乎況可借口於朋以怙其黨乎朕自四十
五年來一切情偽無不洞矚今臨御之後思移風易
俗躋斯世於熙皞之盛故兼聽並觀周諏博採以詳
悉世務且熟察風俗之變易與否而無知小人輒議
朕為煩苛瑣細有云人君不當親庶務者信若斯言

則臯陶之陳謨何以云一日二日萬幾孔子之贊舜
何以云好問好察此皆朋黨之錮習未去畏人君之
英察而欲蒙蔽耳目以自便其好惡之私焉耳朕在
藩邸時坦易光明不樹私恩小惠與滿漢臣工素無
交與有欲往來門下者嚴加拒絕

聖祖鑒朕居心行事公正無私故令繼承大統今之好為
朋黨者不過冀其攀援扶植緩急可恃而不知其無
益也徒自逆天悖義以陷於誅絕之罪亦甚可憫矣

朕願滿漢文武大小諸臣合為一心共結忠悃與君
同其好惡之公恪遵大易論語之明訓而盡去其朋
比黨援之積習庶肅然有以凜尊卑之分歡然有以
洽上下之情虞廷賡歌颺拜明良喜起之休風豈不
再見於今日哉

雍正二年五月

上諭四川陝西湖廣東廣西雲南貴州督撫提鎮朕
聞各處土司鮮知法紀所屬土民每年科派較之有

司徵收正供不啻倍蓰甚至取其馬牛奪其子女生
殺任情土民受其魚肉敢怒而不敢言莫非朕之赤
子天下共享樂利而土民獨受向隅朕心深為不忍
然土司之敢於恣肆者大率皆漢奸為之撓制或緣
事犯法避罪藏身或積惡生奸依勢橫行此輩粗知
文義為之主文辦事教之為非無所不至誠可痛恨
嗣後督撫提鎮宜嚴飭所屬土司愛恤土民毋得視
為魚肉毋得濫行科派如申飭之後不改前非一有

事犯土司叅革從重究擬漢奸立置重典勿姑容寬縱以負朕子惠元元遐邇一體之至意特諭

雍正三年三月

上諭各省督撫周禮稱惟王建國體國經野孟子亦言仁政必自經界始疆界所關誠為至重從來兩省交壤之地其界址多有不清雲貴川廣等處為尤甚間有一省之內各州縣地界亦有不清者每遇命盜等事則互相推諉礦廠鹽茶等有利之事則互相爭競

甚非息事寧民之意朕深知此弊今特降諭旨與各省督撫其共矢公心勿存私見詳細親查如與鄰地界有不清者則兩省各委賢員公同勘定若本省內地界有不清者即委本省賢員勘定地皆朕土人皆朕臣此盈彼絀悉在朕版圖之內無容分視也雖地界或間有難定之處但平心勘畫即使稍有不協然一定之後久遠得以遵據永無推諉爭競之處於地方大有裨益矣其舉行此事宜於農隙之時所派官

員不得私受請囑收取餽送及科派百姓騷擾經過
地方如有發覺定行重治其罪諸督撫各慎為之

雍正五年八月

上諭雍正二年冬高其倬在雲南總督任內時奏稱向
來本營之兵即拔補本營之千把其營中兵丁非親
即友恐難破除情面稽查約束若有志者欲立體統
規矩而同輩之千把又羣起而哂笑之請將雲貴二
省考定拔補之人調取外營一員與之對換其同城

之營仍不准調換等語彼時朕降諭旨覽高其倬此
奏料理甚屬合理若應行之於直省該部確議具奏
若有不盡善處亦不可迎合朕意隨經兵部議稱本
營兵丁拔補本營千把實有流弊不可不亟為革除
應照高其倬所請令各省一體遵行等語朕因內外
大臣之議僉同是以准行嗣後即有人奏稱此事於
千把總甚不便者朕恐其惑於屬下徼負自便其私
之議論故如此陳奏曾密批申飭之乃數年以來朕留

心遍加體訪始知將此處兵丁用為他處千把寔有
未便之處蓋兵丁平日所管汎地其情形險阻素所
深知及用為千把諸事有駕輕就熟之益若用往他
處則初到之時一切茫然必待學習而後通曉此辦
理公事之當籌及者也至於微負未弁安土重遷盤
費居址措置匪易若令調換至數百里外必至拮据
艱難有室家之累此又私情之當籌及者也朕思若
以本營之兵丁即為本營之千把誠不能免於牽制

瞻徇若於同城之中更換營頭如係左營則用為右
營前營則用為後營又如撫標鎮標之同城者亦可
互相更換如此庶於公事有益而於私情亦便其地
方只有一營者或應於就近調補或應仍照從前舊
例以上諸條如何方為妥協著該部定議具奏朕辦
理天下政務惟期事事妥協使人人均受其益至於
前後互易之名朕所不辭將此曉諭中外知之

雍正五年十二月

上諭向來雲貴川廣以及楚省各土司僻在邊隅肆為不法擾害地方剽掠行旅且彼此互相讐殺爭奪不休而於所轄苗蠻尤復任意殘害草菅民命罪惡多端不可悉數是以朕命各省督撫等悉心籌畫可否令其改土歸流共遵王化此朕念邊地窮民皆吾赤子欲令永除困苦咸樂安全並非以烟瘴荒陋之區尚有土地人民之可利因之開拓疆宇增益版圖而為此舉也今幸承平日久國家聲教遠敷而任事大

臣又能宣布朕意勦撫兼施所在土司俱已望風歸
向並未重煩兵力而願為內屬者數省皆然自此土
司所屬之夷民即我內地之編氓土司所轄之頭目
即我內地之黎獻民胞物與一視同仁所當加意撫
綏安輯使人人得所共登衽席而後可副朕懷也但
地方遼闊文官武弁需員甚多其間未必盡屬賢良
之輩且恐官弁等之意以為土民皆在水火今既內
附已脫從前之暴虐即略有需索亦屬無傷此等意

見則萬萬不可著諛督撫提鎮等嚴切曉諭不妨至
再至三且須時時留心訪察稍覺其人不宜苗疆之
任即時調換並嚴禁兵丁胥役之生事滋擾務俾政
事清明地方寧謐安居樂業共享昇平倘有不遵朕
旨絲毫苛索於土民地方者著諛上司立即叅劾重
治其罪即係平日保舉之人亦不可為之容隱果能
據實糾叅朕必宥其失察之愆嘉其公忠之誼諛督
撫提鎮等可共體朕心各盡懷保邊民之道

雍正六年十一月

上諭雲南等省所有苗蠻獠種種類甚多殘忍性成逞
兇嗜殺剽掠行旅賊害良民又或販賣人口捉當勒
贖所以為內地貧民之害者不可枚舉而衆苗之中
又復互相讐殺爭奪不休於其所轄土民則任意傷
殘草菅人命此皆天下所共知者自朕即位以來內
外諸臣條奏苗蠻不法者不可勝數而邊省督撫提
鎮等又復屢屢陳奏朕念普天率土之民皆吾赤子

豈肯令邊省蒼黎獨受苗人之侵擾而苗衆繁多朕亦不忍聽其獨在德化之外是以從封疆大臣之請勦撫兼行而切加訓誨務以化導招徠為本不可脅以兵威或致多有殺戮屢頒諭旨甚明今幸數年之內苗人陸續歸誠者甚衆將來可望地方寧謐但官弁士卒跋涉於深林密箐之間歷險峻之區染瘴癘之氣而苗性狡獪反覆當用兵之際徃徃詭詐負隅出其不意以致官兵受傷亦間有之事夫弁兵受國

家多年教養之恩雖臨陣捐軀義不避難但以蠢然無知之苗蠻而致損我義勇之士卒若計算得失不足相抵朕心深為憫惻除已降旨賜恤賞賚外其雲南貴州四川勦撫苗蠻之官弁兵丁從前若有預借銀兩俱免其還項陣亡之官弁兵丁著照陣亡例加倍賞給銀兩俱交與鄂爾泰岳鍾琪各於所屬額兵查明動支公帑遵旨賞賜務俾均霑實惠以副朕優卹弁兵之至意

雍正七年正月

上諭朕治天下以實心實政為務不言祥瑞屢頒諭旨甚明今據雲貴廣西總督鄂爾泰摺奏雍正六年十月二十九日恭逢萬壽令節雲南四府三縣慶雲呈現光燦捧日經辰巳午三時之久又奏摺內引孝經援神契之語曰天子孝則慶雲見朕之事

親不敢言孝但自藩邸以至於今四十餘年以來誠敬之心有如一日祇此一念可以自信而鄂爾泰援引典

籍以慶雲為朕孝所感朕每承

天眷昭示嘉祥感激慶幸之中益加儆惕茲逢慶雲之瑞
實愈增朕心之敬畏鄂爾泰公忠體國實為不世出
之名臣數年來節制滇黔等省化導所屬官吏人人
奉公盡職懷忠君親上之心是以於朕萬壽之辰

天賜慶雲於滇省正所以表著諛省官吏敬恭協和之忱
惓也此則朕心深為嘉悅者俟鄂爾泰題本到日另
降諭旨今諸王大臣等奏請宣付史館朕之允行者

非欲誇示於衆也蓋以天人感召之理捷於影響諛
督正已率屬有忠愛之丹誠則諛省受福迎祥有光
昭之瑞應朕願內外大小臣工均以鄂爾泰為法且
願遠近各省官民等聞風慕義興孝勸忠人人共受
上天之福祐乃朕心之所謂上祥大瑞也

雍正七年六月

上諭朕愛養黎元遐邇一體而邊遠之地小民家計不
及近省尤朕心之所繫念數年以來甘肅四川雲南

貴州廣西五省有用兵西藏及勦撫苗蠻等事其一
應軍需皆動用公帑備辦秋毫不派及於民間而糧
餉轉輸亦有資於民力今藏地苗彊俱已寧謐朕心
嘉慰特沛恩膏著將庚戌年甘肅額徵地丁銀二十
七萬七千六百八十四兩零四川額徵地丁銀三十
一萬六千三百兩零雲南額徵地丁銀一十四萬一
千六百兩零貴州額徵地丁銀七萬四千二百兩零
廣西額徵地丁銀三十五萬三千九百兩零悉行蠲

免其西安各屬地方近日亦有預備軍需之事朕心軫念著將庚戌年額徵錢糧蠲免十分之三共計銀四十七萬九千九百兩零此六省督撫大吏宜仰體朕心轉飭所屬有司敬謹奉行務使閭閻均霑實惠如有奉行不力被不肖有司暗飽私囊或被奸胥土棍強紳劣衿包攬侵蝕者朕若訪聞必將通省大小官員分別從重治罪至於國家設官本以理民官有恤下之責民有奉上之義若設官而不為計及養廉

之資則有司之賢者將窘迫而莫能支不肖者又將橫取而無所檢束矣是以酌定以錢糧耗羨均給各官為養廉之資此揆情度理上下相安之道但思加恩百姓豁免正賦若將耗羨一並蠲除是民雖邀額外之恩而官員轉有拮据之苦上司或因此稍有寬假則必致巧取苛索於民流弊種種多於耗羨之數於吏治民生均無裨益常見庸劣之地方官每以蠲免錢糧為不便於己心懷悵快卽此意也著於庚戌

年為始凡遇特恩蠲免錢糧者其耗羨仍舊輸納諒
必民所樂從若因水旱蠲免者不得徵收耗羨將此
永著為例

雍正七年十月

上諭據鄂爾泰奏稱雲南趙州白崖地方於本年閏七
月平地忽湧甘泉二股田地得藉灌溉此皆皇上之
至誠足以感召天和協應地靈等語王大臣等亦稱
皇上勤恤民隱是以甘泉昭宣上瑞等語是內外臣

工皆以滇省醴泉歸美於朕朕實不居也夫君臣上下本為一體設人君有以安百姓之心而其臣不能宣布德意以成善治或上官有撫字羣黎之念而其民不能感化以成善俗皆不足名

天和而徵瑞應也鄂爾泰以公忠之心行撫綏之政至誠所感能使吏服其教民懷其惠所屬之境康阜恬熙而滇省官民又實能率從鄂爾泰之訓導移風易俗和氣致祥是以數年之中疊見慶雲醴泉之瑞此蓋

上天恩賜以表著賢臣之善績也昔張堪之麥秀兩岐魯
恭之蝗不入境彼郡邑守令有循良之化尚足感名
嘉詳況節制三省化民成俗者乎又如范仲淹之治
青州廣施惠政溪澤忽湧醴泉此皆載在典籍信而
有徵者并非朕褒揚鄂爾泰為創見之論也且如鄂
爾泰總督雲貴則兩省連歲豐收今年兼轄廣西則
粵省更慶登稔又如田文鏡總督河南李衛總督浙
江兩省境內屢歲俱獲有秋今年田文鏡兼轄山東

李衛兼轄江南而山東江南並稱豐熟似此年穀順成雨暘時若又豈非共覩共聞之祥瑞乎凡督撫大臣加惠一方以致感格

天心賜以上瑞此皆督撫之力朕不敢以為功而任用之得人與否則朕之責也即如田文鏡之在河南清正無私而李紱蔡珽謝濟世等結黨朋謀肆行陷害若非朕洞燭其姦被其搖惑則凡忠誠任事之臣皆卻顧而不前矣即鄂爾泰亦不過謹守繩墨以求免衆

人之謗議而已何能展布施設毫無瞻顧以成此善
政善教乎是以諸臣將慶雲醴泉之瑞歸功於朕實
與朕無涉若謂朕能推心置腹以信用鄂爾泰使得
盡展才猷悉心教養以成風俗之美受

上天之恩此則朕所不辭者

雍正十三年八月

上諭數年以來雲南地方屢有用兵籌餉之事民力挽
輸未免勞頓朕心深為軫念今聞元江普思等處軍

務告竣用是特沛恩膏將本年通省地丁錢糧全行蠲免俾滇民均霑實惠若諭旨到日有已徵在官者準抵明年應納之正賦著該督撫藩司董率州縣官員敬謹奉行毋使胥吏土棍人等侵蝕中飽以副朕加惠滇民之至意

今上皇帝

上諭文以載道與政治相通故二帝三王之盛在廷敷奏及宣諭衆庶之言皆為謨為誥炳著六經西漢治

猶近古人心淳樸故見於文者原本經術指事類情
質實曉暢猶有周人之遺降及魏晉以文滅質漸就
浮靡六朝尤甚姿態益工意格益陋文運所闕非淺
鮮也朕思學者修辭立誠言期有物必理為布帛菽
粟之理文為布帛菽粟之文而後可行世垂久若夫
雕文選詞以炫一時之耳目譬猶搏土揭木塗飾丹
鉛以為器物外雖可觀不移時而剝落曷足貴耶國
家累洽重熙之日務學積文者正宜沐浴教化爭自

濯磨漸進於大雅勿尚浮靡勿取姿媚斯於人心風俗有所裨益至於古人臨文原無避諱誠以言取足志一存避諱之心則必輟轉躡嚅詞不達意嗣後一切章疏以及考試詩文務期各展心思獨抒抒軸從前避諱之習一概掃除尤宜禁者鄉會兩試考官每因避忌字樣必摘取經書中吉祥之語為題遂使士子易為揣摩倩人代作臨場抄寫以致薄植之少年得以倖取科名而積學之老生無由展抒底蘊嗣後

凡考試命題不得過於拘泥俾士子殫思用意各出手眼以覘實學特諭

雲南通志卷二十九之一